



Broj: 0101-8810-9/17

Sarajevo, 05. 06. 2018. godine

Na osnovu člana 131. Zakona o visokom obrazovanju („Službene novine Kantona Sarajevo“, broj: 33/17), člana 69. stav (2) tačka d) i člana 70. stav (1), (4) i (6) Zakona o javnim nabavkama BiH („Službeni glasnik BiH“, broj: 39/14), člana 230. stav (3) Zakona o upravnom postupku BiH („Službeni glasnik BiH“, broj: 29/02, 12/04, 88/07, 93/09, 41/13 i 53/16), u vezi sa Rješenjem Ureda za razmatranje žalbi broj: JN2-03-07-1-546-9/18 od 17. 05. 2018. godine, a na Preporuku Komisije za javne nabavke broj: 0101-8810-8/17 od 04. 06. 2018. godine u ponovljenom postupku pregleda i ocjene ponuda, rektor Univerziteta u Sarajevu, u otvorenom postupku nabavke usluga-Revizorske usluge, donosi

ODLUKU

O PONIŠTENJU POSTUPKA NABAVKE USLUGA-REVIZORSKIH USLUGA

I

Postupak javne nabavke usluga-Revizorske usluge, *PONIŠTAVA SE* iz razloga što nijedna primljena ponuda nije prihvatljiva.

II

Ova Odluka objavit će se na web stranici Univerziteta u Sarajevu (www.unsa.ba), istovremeno sa upućivanjem ponuđačima koji su učestvovali u postupku javne nabavke.

III

Ova Odluka stupa na snagu danom donošenja.

Obrazloženje

Dana 29. 03. 2018. godine Univerzitet u Sarajevu-ugovorni organ, nakon završenog postupka, donio je Odluku o poništenju postupka nabavke usluga-Revizorske usluge – otvoreni postupak, broj: 0101-8810-7/18. Ponuđač BDO BH d.o.o. Društvo za reviziju, 71 000 Sarajevo, izjavio je žalbu na navedenu Odluku dana 11.04.2018. godine putem ugovornog organa. Ugovorni organ je žalbu smatrao neosnovanom te je u skladu sa članom 100. stav (5) Zakona o javnim nabavkama, predmet prosljedio Uredu za razmatranje žalbe, Filijala Mostar, na nadležno postupanje. Ured za razmatranje žalbe je dana 17. 05. 2018. godine, rješavajući po žalbi ponuđača, donio rješenje broj: JN2-03-07-546-9/18 kojim se usvaja žalba ponuđača BDO BH d.o.o. Sarajevo, a Odluka o poništenju postupka broj: 010101-8810-7/18 od 29. 03. 2018. godine se poništava i predmet vraća ugovornom organu na ponovno odlučivanje. Postupajući u skladu sa citiranim Rješenjem, Komisija ugovornog organa izvršila je 30. 05. i 04. 06. 2018. godine ponovni pregled i ocjenu ponuda zaprimljenih u postupku javne nabavke usluga-Revizorskih usluga. U Zapisniku o ponovljenom pregledu i ocjeni ponuda broj: 0101-8810-8/17 od 04. 06. 2018. godine, utvrđeno je da niti jedan ponuđač nije ispunio uslove za kvalifikaciju, zbog čega niti jedna ponuda zaprimljena u postupku nije prihvatljiva, odnosno:

1. ponuđač RSM Audit BH d.o.o, Milana Preloga 12, 71000 Sarajevo je dostavio dvije potvrde u svrhu dokaza o uspješno realizovanim ugovorima, a koje su navedene u Tački 10. Analitički prikaz traženih i dostavljenih dokumenata na osnovu kojih se utvrđuje da li postoje razlozi isključenja ponuđača (Revizorske usluge). Komisija cijeni da obje dostavljene potvrde ne dokazuju da su po karakteru i kompleksnosti iste ili slične uslugama koje se trebaju provesti u predmetnom postupku: traži se revizija finansijskih izvještaja više pravnih subjekata (29 fakulteta, akademija, instituta i Univerzitet (Rektorat i centri), čija osnovna djelatnost je visoko obrazovanje i naučnoistraživačka djelatnost, zbog čega **navedeni ponuđač NE ISPUNJAVA uslove za kvalifikaciju, te njegova ponuda nije prihvatljiva;**
2. ponuđač Grant Thornton d.o.o, Vase Pelagića 2, 78000 Banja Luka, nije dostavio Rješenje o upisu u Registar revizorske komore, u svrhu dokaza sposobnosti obavljanja profesionalne djelatnosti – član 46. ZJN, zbog čega **navedeni ponuđač NE ISPUNJAVA uslove za kvalifikaciju, te njegova ponuda nije prihvatljiva;**
3. ponuđač MERFI Društvo za fin.reviziju d.o.o. Sarajevo, Porodice Ribar 37, 71000 Sarajevo, je dostavio više potvrda o uredno izvršenim ugovorima, a koje su navedene u Tački 10. Analitički prikaz traženih i dostavljenih dokumenata na osnovu kojih se utvrđuje da li postoje razlozi isključenja ponuđača (Revizorske usluge). Komisija cijeni da sve dostavljene potvrde ne dokazuju da su po karakteru i kompleksnosti iste ili slične uslugama koje se trebaju provesti u predmetnom postupku: traži se revizija finansijskih izvještaja više pravnih subjekata (29 fakulteta, akademija, instituta i Univerzitet (Rektorat i centri), čija osnovna djelatnost je visoko obrazovanje i naučnoistraživačka djelatnost, zbog čega **navedeni ponuđač NE ISPUNJAVA uslove za kvalifikaciju, te njegova ponuda nije prihvatljiva;**
4. je ponuđač BDO BH d.o.o. Sarajevo Društvo za reviziju, Dolina 11, 71000 Sarajevo, dostavio dvije potvrde o uredno izvršenim ugovorima, a koje su navedene u Tački 10. Analitički prikaz traženih i dostavljenih dokumenata na osnovu kojih se utvrđuje da li postoje razlozi isključenja ponuđača (Revizorske usluge). Komisija cijeni da obje dostavljene potvrde ne dokazuju da su karakteru i kompleksnosti iste ili slične uslugama koje se trebaju provesti u predmetnom postupku: traži se revizija finansijskih izvještaja više pravnih subjekata (29 fakulteta, akademija, instituta i Univerziteta (Rektorat i centri), čija osnovna djelatnost je visoko obrazovanje i naučnoistraživačka djelatnost, zbog čega **navedeni ponuđač NE ISPUNJAVA uslove za kvalifikaciju, te njegova ponuda nije prihvatljiva.**

U Zapisniku se navodi i slijedeće:

1. ponuđač RSM Audit BH d.o.o, Milana Preloga 12, 71000 Sarajevo, u Obrascu za cijenu ponude-PRILOG II, naveo je jediničnu cijenu bez PDV-a koja iznosi 1.597,00 KM
2. ponuđač Grant Thornton d.o.o, Vase Pelagića 2, 78000 Banja Luka, u Obrascu za cijenu ponude-PRILOG II, naveo je jediničnu cijenu bez PDV-a koja iznosi 1.470,00 KM
3. ponuđač MERFI Društvo za fin.reviziju d.o.o. Sarajevo, Porodice Ribar 37, 71000 Sarajevo u Obrascu za cijenu ponude-PRILOG II, naveo je jediničnu cijenu bez PDV-a koja iznosi 1.354,00 KM
4. ponuđač BDO BH d.o.o. Sarajevo Društvo za reviziju, Dolina 11, 71000 Sarajevo, naveo je jediničnu cijenu bez PDV-a koja iznosi 1.100,00 KM.

U vezi sa navedenim, a iako to nije naznačeno u Tenderskoj dokumentaciji, ali predstavlja pravni okvir za postupanje i rad revizorskih društava u Federaciji BiH, bitno je istaći da je odredbom člana 52. stav (7) Zakona o računovodstvu i reviziji FBiH („Službene novine FBiH“, broj 83/09) utvrđeno je da se „za obavljanu reviziju plaća naknada. Iznos naknade utvrđuje se ugovorom i **NE MOŽE BITI NIŽI OD TARIFE REVIZORSKIH USLUGA** koje utvrđuje i donosi Komora uz saglasnost Ministarstva“. Tarifa revizorskih usluga, donesena 16.04.2015. godine od strane Revizorske komore FBiH, objavljena je u Službenim novinama FBiH broj: 52/15. U skladu sa članom 1. Tarife, utvrđeno je da su istom određeni najniži iznosi naknada za revizorske usluge, te da Revizorska društva za usluge obuhvaćene Tarifom NE SMIJU s korisnicima revizorskih

usluga ugovarati naknadu koja nije u skladu sa odredbama iste, odnosno ZABRANJENI su sporazumi sklopljeni uz ugovor o reviziji ili naknadno, kojima bi se konačna naknada za revizorsku uslugu naplaćivala suprotno ovoj Tarifi. Sve cijene revizorskih usluga u Tarifi su iskazane bez PDV-a.

U skladu sa navedenim, sve cijene koje su ponuđači naveli u Obrascu za cijenu ponude-PRILOG II, iskazane su suprotno donesenoj Tarifi.

Komisija za javnu nabavku dala je preporuku rektoru Univerziteta u Sarajevu da u postupku nabavke usluge-Revizorske usluge za 2015, 2016. i 2017. godinu, donese odluku o poništenju postupka, jer su ispunjeni uslovi utvrđeni članom 69. stav (2) tačka d), odnosno da niti jedna zaprimljena ponuda NIJE PRIHVATLJIVA.

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke.

REKTOR

Prof. dr. Rifat Škrijelj



Dostaviti:

- RSM Audit BH d.o.o. Milana Preloga 12, 71 000 Sarajevo
- Grant Thornton d.o.o. Vase Pelagića 2, 78 000 Banja Luka
- MERFI d.o.o. Društvo za fin.reviziju, Porodice Ribar 37, 71 000 Sarajevo
- BDO BH d.o.o. Sarajevo Društvo za reviziju, Dolina 11, 71 000 Sarajevo
- Jedinica za internu reviziju UNSA
- Prorektor za finansije
- Služba za računovodstvo i finansije
- Generalni sekretar
- Služba za javne nabavke
- web stranica UNSA
- a/a

PRILOG:

Zapisnik o ponudjenu pregledu i cijeni ponude

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>
email: javnost@unsa.ba